

The Electronic Manipulus florum  
www.manipulusflorum.com

Religio ao  
cum uariis

Quam detestanda peruersitas in monasterio ut ubi fiunt diuites laboriosi sint pauperes delicati qui in seculo pauperiores uixerant quam nunc in claustro uiuant et nunc in monasterio querunt que nec foris habere non poterant. Mentior ego si non uidi quorum talis paupertas erat, quando foris erant, quod nec ipsa necessaria inuenire poterant, erigentes ceruicem uoluerunt sociari hiis ad quos foris accedere non audebant, et qui ante conuersionem lectulum proprium nusquam habebant, nunc si forte uoluntas eis fuerit eundi alicubi ornamenta lectuli secum portant. Vidi et ego, nisi fallor, monachum camisia uestitum iocantem et dicentem: Carior est stamina quam camisia, tunica uero uestiri magna est difficultas. Sed forsitan dices: Quoniam infirmus erat huius, immo sanus et peculans et pingui residens equo, habundans rebus et curias frequentans. Qui tamen ante conuersionis habitum, pedes ire consueuerat, nec semper lineis induebatur.

Hugo ibidem.

---

Varia in MANUSCRIPTIS (B C M) et in IMPRESSIS (P V<sup>1</sup> V<sup>2</sup> L<sup>1</sup> L<sup>2</sup>):

Religio ao] Religio ap P V<sup>1</sup> V<sup>2</sup> L<sup>1</sup> L<sup>2</sup>; pauperiores] pauperes M; querunt] querant C; nec *om.* P V<sup>1</sup> V<sup>2</sup> L<sup>1</sup> L<sup>2</sup>; non *om.* C; poterant] poterunt B M; talis *om.* C; ceruicem] sibi mentem P V<sup>1</sup> V<sup>2</sup> L<sup>1</sup> L<sup>2</sup>; uoluerunt] noluerunt P V<sup>1</sup> V<sup>2</sup>; habebant] habeant (*cor. intra*) M; nisi] ni P V<sup>1</sup> V<sup>2</sup> L<sup>1</sup> L<sup>2</sup>; dicentem] et *add.* V<sup>2</sup>; huius] huiusmodi P V<sup>1</sup> V<sup>2</sup> L<sup>1</sup> L<sup>2</sup>; conuersionis] conuersione (*cor. intra*) B; consueuerat] consueuerat B; semper] sepe P V<sup>1</sup> V<sup>2</sup> L<sup>1</sup> L<sup>2</sup>; Hugo *om.* L<sup>1</sup> L<sup>2</sup>